

乾初先生遺集

乾初先生詩集小傳

從曾孫 塚孝 纂

先生諱確字乾初原名道永字非玄居海寧鳳岡里顓悟絕倫過目成誦為邑諸生聲名籍甚傾動一時寧有貪令為民害先生誓以一身為百姓請命奔控各臺當事者受賄恐喝百端先生謬然不少挫卒逐去之後受業于戴山劉念臺先生之門斂華就實反己力行值鼎革後遂棄舉子業閉門事母躬耕樂道與同志循戴山證人之約發明中庸素位之旨學者翕然宗之生平著述大約發明聖學者為多詳于邑乘

及家傳中詩集若干卷天真曠逸迥出恆谿古詩尋陶之神
韻近體法杜之謹嚴而出入于太白香山要之俯仰淋漓一
歌一哭則自成為先生之詩也晚年得風疾坐臥一榻垂十
二年子翼晝夜服勤不倦亦不應試孫克魯太學生俱別有
集

小引

先生詩原本性靈空所倚傍遠追擊壤平揖白沙其妙處如
春澗泉流秋空鶴唳清爽之氣醒人心目而率意處如野老
留賓盤飧略具真意有餘儀文不足蓋緣卷軸無多又復不
屑持擇衝口信心未免瑜不掩瑕耳長夏曝書偶拈是帙
展閱一過竟日而畢選什之一二以存先生真面目愛人以
德非敢嗤點前賢也壬辰六月望日東隅子記

乾初先生詩集目錄

卷一 四言古詩 一十八首

江水汨汨二章

自吾之出三章

丙戌年蠶語

蒼天七章

京師篇二首

遷居詩

母忌哀詞

昔我

卷二 五言古詩一

六十三首

同祝子開美游雲棲歸途有述

與祝子若耶道中

告宗祠

悲遠涉

正月廿七日號留葉四母舅

婦病

日燒一擔柴

聞君將買妾

諸同人赴黃山道士之招

董甥典瑞以剪髮作數日悲簡慰之

遇盜

吾生

許生欲爾自越歸過訪老病

聞蔡上生家亦被盜簡寄一首

避亂之武原

新政

丁亥正月二十日雪

朝入城東門

問予居牡丹

張石渠山居

硯晤

為舊字有贈

管鮑吟

悼亡詩

九日

病起

有客

詩成

哭許元忠給諫

守雨洄塘與張方空對奕

獨立

種秫二首

大道

米至

過老友張石渠

道近柯橋有述

懷徐子孝先

生日

題徐律之園居

哭殤

良夜

吾道

乙未四月翠薄山中呈桐鄉張考夫

中秋

櫬成偶占時年五十有二

東里謠二首

病吟

芽穀餅歌

天地

子輿篇

春賞咏

哭董紫冒勳部

至道篇

康孫

詠古五首

十月五日登龍山作

甲乙歌

卷三 五言古詩二

七十一首

笑歌

雜咏三首

悼殤

夏至

不願官糧少歌

送陸景宣北進

癸卯正月三日設陽明山陰兩先生像拜之呈性解二

篇感賦一首

二月五日甲辰雪六日乙巳猶雪感賦一章

掃室四章

題山樓五章

烝菜歌

贈凌負侯

次弟孫懷我詩韻

又呈詠子房詩因鍼之

又次弟孫詠史詩韻

又和弟孫詠樵詩

伐園

同葉靜遠父子張子敬出郊閑步

破帷

病鳥

敬履

嬾吟寄曷大師

藜杖

補古詩二首

效古體作菜菔之什

寄題萬蒼山樓

大道

學老實歌

題西洋鏡

和二陸子輓張元祐先生

六月枕濤山中

臥疴

題松竹林居呈見如老衲

改篇後句又書示童甥八公

種樹無近屋

鳳師南齋漫書

予手足之病三年浸加常不能無怨心故詩以解之

書示兩兒

丙午正月三日識諸楊泊我宗人共三十有八人重成

楊居故也漫賦

窺鏡

戲成八十就四牌又益以十不就三牌係之以詩

寒夜

先民詩

贈錢雲士

病夫前篇

癸丑新春詩

病夫後篇

癸亥漫述

慈父篇

悼亡兒二首

菴茂堂集字限七韻

徐龍生家園看梅有述

獨蠶

八月朔日山中展先嚴山師遺像惕馬書此

硤川晚泊

山夜候僧不至

以下補遺

六月十六日贈負素

適過老董韻荃樓飯歸又歌

贈許生欲爾新婚

斷柱

卷四 七言古詩

四十五首

湖中十日歌

鹽州篇

硤山

哭亡友許元五

山中雲

初夏過徐季長樸齋閑話

午榻集字限韻

家有病婦

君莫愁

春晚入東垞即席

邨酒

世事篇寄丁兩表兄

間日瘡

六月初七辰巳時

采兒

撫松軒松

贈論弟曆年採芹

老友董昭逸家園漫賦

吾癡歌問陸子麗京

壽仲兄六十

鋤菜

惜字菴題贈悟源老衲

行路歌

柳橋行

己亥春正

帝孫

君憶之

麥粥歌二首

南山謠

桔槔哀

桔槔哀樂聲歌

黃棟頭歌

農夫樂

感懷查石丈

十八日晚雪夜更劇

和帝孫贈張元岵先生詩

中秋偶書

交道吟贈高聲野

題孫雪居畫朱竹款云自漢壽亭侯始故論及之

輓包素娘歌

以下補遺

樸巢中人歌

滇茶行

偶笑

與老童歌

卷五 五言律詩一 六十二首

耆學遷二首

九日登秦望二首

邨居

題欲爾斑竹杖

又題用前韻

春晴過張嗣留邨居即事

春日攜泓兒過訪顧青城顧上玉叔姪水居值桃花盛

開

寒食雨不尋與墓祭

清明後二日

從茂堂集牌字

再飲木禾堂集字限韻 徐季長家園看樛同近思叔

次黃石齋先生韻四首

龍園之游近思叔先有詩四章又次石齋先生光福觀
橫樛韻屬余和之會有客阻止尋二首

糧長

從茂堂即席分韻

己丑正月過徐季嘗齋晚話

無寐

勉慰

生日

過近思叔齋

過丁表兄園中逢諸舊遊皆醉不能歸同宿故館

酬丁氏兩表兄

雨渡錢唐

九日和許大辛五噫亭登高詩二首

題蔣園次壁間張元祐詩韻

尋陳時夏郊居二首

閏月初一省母陸姊家侍竹園納涼竟日

立夏前二日集韻弦山樓

秋水

東山看女歸示翼兒

過吳仲木新齋

訪定海張子游辱寫小影賦

謝

訪蔡來老

又題徐炯一西園

過徐有蕪邨居

冬夕禪房張元岵孝廉見訪

留宿惜字菴即事

古寺

次案頭韻贈東隱翁

山中別考夫朗思韞斯諸同學

登祝虛齋先生祠樓望海上諸山

懷諸同病

臥病二首

卽天則見訪賦贈

寄懷吳仲木兄弟

贈吳襄仲賢者

寄懷張元岵聘君

龍山祝二陶子霖偕無相師遠顧不飯竟去小詩寄懷
老友張石渠見訪賦贈

查石丈許欲爾即天別重過二首

許大辛過訪是日余始能起坐

東近思族父

卷六 五言律詩二 六十五首

夢中詩

蚊障二首

改禾兕作

山中次吳良仲韻二首

臥疴山齋徐子孝先以詩見懷依韻奉謝

重九日

雨阻硤山次張仲張早春詩

韻

遊棣園

辛丑六月從祝眉老避暑禺公山寓蕪懷昔友

禱雨未應感賦用前韻 和禺公望雨詩又用前韻

山中呈眉老

次馬蜚生桂下詩韻二首

次韓石耕東垞菴詩韻 又次中路詩韻

蔡養吾喜抱新孫醉贈以詩

道鶴山瞻祝子墓書感 次禺公過董穉升西齋詩韻

六月初二日偶書

久旱

又詠

懷慧師

又題寫樓兼酬靜師

贈凌康侯

避俗

贈陳貞倩

登東樓懷二許子

和弟孫春鳥未春鳴詩十首

春鳥下篇十首

入山看樵

翠薄看樵大辛見招不果往

三月初二同葉靜遠張子敬出郊閑步道經屠子高幽

居漫賦

又贈靜遠

大辛過示新稿

簡懷夢弼大姪四首

鳳師南齋漫書

和弟孫豐年謠

庭東偏榦花盛開移榻就之

陪老姊賞庭榦第孫呈賞榦詩用其韻

午後出游鄰家

宿東樓

補遺

卷七 七言律詩一 八十一首

夜宿枕濤莊

枕濤莊晚興

寄謝社中

春日同鮑有鄰鄭聖治許元五斷橋晚步喜遇溫谷師

同行而聖治常作詩容走此徵之

斷橋感懷

四遊西谿詩二首

斷橋步月歸途有作

荒臺晚坐漫興

東老童

懷韓子有舟中

東樓二首

題移居圖

遊天池寺

讀錢聖月刪後詩有贈

同廣福僧闇然登五雲山頂歸有感作此遺洪溟老衲

游雲門諸山

平水東岳廟謝別先生

歸渡有感

和韓子有詩韻

乙酉春日侍山陰先生

哭吳秋浦先生

哀江南三篇

哭祝子開美四首

夜過菩提寺賦謝自明上人

同山衲自明許生欲爾過韻竑樓題壁

飯後又賦

韻竑飯後歸復約餉酒日暮不至不眠成詩

簡訊董甥

懷近思叔西歸無問閩信

再過韻竑樓

夜過雲萍僧舍

曉懷夢弼爰立兩姪都司嶺

山後遇老董漫成

留別許欲爾用劉先生游錫山和濂溪韻

自醉懷蔡上生

雨阻歸筇又過雲萍僧午飯喜聞捷音

自菩提山下訪蔡子
夜過韻弢樓宿

辭山
過查聲五漫賦兼寄封婁兄

弟
曉行

過徐聖儀訂南湖之游用韻

聖儀齋中又用前韻

樸菴叔晚過小話兩和來韻二首

濱社見招不赴用韻寄謝

早出

冒雪過全圖許吉先

雪中和聖儀見投之韻 賦九月樵舁開字

聽老鑿郭南巖誦所製詩有贈

春晴過近思叔池上即事

春盡登龍山

懷許欲爾分韻二首

遺雲萍老衲

和平法師韻

避兵用前韻兼懷悟凡上人

家居漫興

祝季寧沈用晦避余家數日長句誌感

次樸菴叔夜警詩韻三首

鯤濤東樓

九日風雨次查二雅韻

又和子美二韻二首

十日偕欲爾登都司嶺再用杜韻

茶磨山有訪不遇

小憩邵灣拜祝玄嶽先生之柩于敗垣下

夜歸憩都司祠竟成隕醉

同人以杖頭為自明僧四十壽并約看紅葉侑以此詩

秋游即事分韻

母誕

卷八 七言律詩二 八十三首

春夕與同館講杜詩隨各分韻余得藍字

偕同館重尋顧青城廟上玉叔姪水居

歸家

春雨

晨炊

許元忠閩歸二首

梁谿唐有功父子別五年癸丁亥三月初九載酒遠過

晤于東垞

後茂堂集字書懷

拜山樓見月有感

咏棋限韻

萬古樓晤鴛水屠閣伯并訂後期

秋興八首

酬徐季嘗用來韻

裕菴小憩

忌日

近思叔齋中又題

壽韓道謙五十

游天開圖畫次元人韻 東垞歸舟有述

即日又同張尹來入山兼訂後晤

同談觀若張尹來許大辛許欲爾五噫亭看楸有懷陸

子麗京即席同賦用陸韻

五噫亭席上酬陸講山扇頭韻

又次麗京韻謝其末句之意

伯兄壽室初成值庭中牡丹盛開喜而賦詩命和一首
過蕭山晤徐乾六兄弟

八月十五瑤綸閣社集和從吾道人詩用原韻二首

即日過老友董昭逸又用前韻

竹節冠成戲用前韻 秋日飲葆光居

祝眉老齋中書感 題永安湖社集

題蔣園 龍山社集

癸巳正月同澈湖吳仲木較山陰先生遺書於古小學

漫賦

謁大禹陵

再游雲門書感

題廣孝寺呈三目和尚

耶溪道中邀仲木同作 五游西谿詩

西湖書感

山陰歸別吳子仲木

清明後十日牡丹未開用韻

賀許欲爾宋犀盃兩次遇盜不失用韻

改肇五清明後作起結 補裕菴社集

山居即事

簡謝吳仲木冠杖之惠

酬同年友韓子有五十壽詩用來韻二首

臨平道中讀吳仲木日譜次譜中詩韻

寓湖上同仲木書懷又用前韻

和仲木偶至湖上

西泠獨步和仲木兼懷龍山諸子

候仲木不至次湖橋夜坐詩韻

韻荪樓漫賦

次韻酬來成夫二首

秋日登尊經閣

韻荪樓又題

海國

中元後連夜都司嶺看月

候考夫不至即事書感

喜老友東隱翁歸山賦寄

龍竹墳看桂呈祝二陶兄弟

丙申元旦壽吾母九十 母壽辭親知賀貺

壽沈三叔七十三首

病中辱徐邈思屢顧兼惠新詩依韻送別

病中夢訪劉伯繩世兄因寄

病起書懷

簡答東隱

至日

卷九 七言律詩三 八十一首

夏日侍母用禾兕韻

新孫

病夫

秋夜讀家塾漫書

雨阻山園漫興兼懷東隱

贈張亦五邑侯二首

東渡書感呈劉伯繩世兄

同徐薇之兄弟游何伯興東臯別業漫賦

集中野州堂感呈州堂主人兼寄史孔裁長兄

題韓子有樓居

西渡書感

補壽沈朗思兩尊人六袞

酬谷大師

答黃山劍安

長夏篇酬祝鳳師通家
春正書感寄祝眉老

登黃山巔閣

重游眞如寺

簡友戲成

訪庚友董治升見以二子因屬以詩

訪曜公長老山樓次韻 贈燕臺韓石耕

七夕

海上看菊口占贈主人

送周子和東渡

風雨書感

世事

次曷公懷林思明詩韻

尋曷公同訪董居士次曷公韻

訪桂董思東東樓旬日始盛開感賦

次日同眉老曷公大辛過樺升家園看桂邀諸子同賦

限昨韻二首

同眉老曷公過二許子家園看桂再用前韻

眉老攜樽桂下謝賦再用前韻

荒年詩

癸卯元日漫興

寓樓書感

秋夜漫成效唐人進退格

連日飲花下書遺眉老

酬眉翁見懷用前韻

武林謁姚邑侯

甲辰元日書感

宗祠即事

七日大雪漫成

雪中書感

乙巳元日過舊居書感

張元峪先生家庭樸極感時與先生通安其下漫題

聞族父長生翁歸自粵已過嶺矣喜極賦懷兼慰樸叔

西河之痛

和眉老採桂山中之韻

無錫高景旃自黃山過訪喜次來韻

早起書懷兼寄東林諸子

十一月二十五日早湯成

十一月十七日早漫作 雪夜陪張石渠小飲

次韻答徐孝先

壽張元峪先生八十

命童子出羣杖拭之慨然有述

辛亥元日

壬子元日

雪晴補壽老友祝眉翁七十初度

鮑節婦詩

以下補遺

代贈場司

社集枕濤庄次查封婁韻

遺大兄病中

帶書堂即席呈朗公普師

溟茶開東寄社中

韻弦樓

元功淮上歸出扇索書成此二首

和韓子有來韻兼以遲之二首

過老董韻弦樓飯歸

憶團瓢看雪之勝惠前詩未快乃更為之用東冬二韻
殘冬客況

題近思從父邨居

辛卯長至後一日集南湖瑤綸閣二首

壽從祖母吳太夫人七袞二首

卷十 五言排律

四首

秋夕過祝氏葆光居有感增和蔡養吾韻

菴茂堂集牌字限十韻 書贈丁二表孫便面

六月六日終日偃臥自題

卷十一 七言排律 三首

哭劉念臺師

哭徐聖儀十韻

秋夕漫成

卷十二 七言絕句 五十二首

過爾立山中二首

閒時偶筆

三塔僧孚吉予我題曰東坡三過煮茶亭三首

寄程於正五首

雨中簡董爾立

題士采駿馬圖

越城感舊

登叢山

歲半兒

咏瓶中紅白芍藥

次日又成五首

奉和季舅父壽母詩

梁溪高聲野封君饌錫酒四罌報之以詩四首

偕老友徐季長再過閭玄居看牡丹四首

哭老友徐季長八首

再過韻弦樓次案頭詩韻

韻弦山樓憶亡友許元五用前韻

初夏庭中玫瑰盛開口占二首

許二元宅惜若成索詩于余成四絕似之

以下補遺

長至前二日過韻弦看雪二首

團瓢看雪似爾立

戲為禾兒改先太子太孫新月詩二首

乾初先生詩集卷一

海寧陳確著

族姪孫敬璋編校

四言古詩

江水汨汨二章

癸未下同（碑案）是年八月公偕祝開美吳仲木至山陰至九月望歸見秋游記

江水汨汨雲山岿岿仲秋而出學何以不惑

江水滌迴雲山崔巍秋盡而歸學何以不頽

自吾之出三章

自吾之出浹五旬矣自吾之歸出二孫矣

衆孫濟濟母氏色喜進此甘旨母氏繁祉

曾孫縣縣母氏笑顏進此甘旨母氏萬年

丙戌年蠶謠 并序

桑葉每百觔錢四千文稻草每百觔七百元樹葉每百觔
八百文炭每觔百文米每斗八百五十文油每觔四百文
計中人八口之家約養蠶十觔糜口糧五十日去米四石
魚菜油醬之費不在其內蠶每觔須桑葉百五十觔稻草
五十觔縑絲樹柴五十觔煮紬繭柴十觔燈油半觔炭三
觔上蠶每觔收繭十二觔得絲十五兩綿三兩中蠶收繭
十觔得絲十二兩綿三兩等而下之更有收八觔七觔六

五觔四三觔者上者恆不可必下者又何忍言繭每觔時
直百文中蠶之入每觔得千文絲每兩直百文中蠶每觔
入千二百文而養蠶家每觔所出已不下萬二千文所出
若彼而所入若此十止一償俛仰奚賴蠶事之壞乃至於
斯前此桑葉之貴亦有賣銀一兩外者然新米價平而繭
絲俱貴可以相當若桑賤之年息嘗數倍今則事皆乖謬
何可復較故簞人不支至有中道廢棄者并十一之償付
之東流矣而官糧私債俱責諸此民雖欲不死得乎歌曰
八口之家養蠶十筐繅絲環縣五十日糧四萬買米六萬買

桑油燭薪炭價十倍償豈無犒勞鯢鯢猪腸豈無禱祈雞豚
酒漿費踰十萬百兩歸箱往市貿之十未一償況其下者半
收以降亦有窶人中道摧戕官逋私員撫膺誰望吁嗟今年
兮蠶事荒民胥為介今轉死亡

蒼天七章

嗚呼蒼天農民何罪赤日中田焦髮裂背渴不得飲饑不得
食閔其將死不敢云瘁天復不念降此大戾

富人之子有高其堂繡帷冰簟無風而涼困米如山而價日
益強農民之灾富人之祥天之賞罰胡此其盲

嗚呼蒼天旱豈無絲人之無心志耻與羞謂我仇為親謂親為仇處處四方而橫戈與矛匪戈矛之橫惟羣士之啜嗽小大修縱無時休上帝赫怒曰我盡劉冤乎痛哉於農民乎何尤

嗚呼蒼天吾農民之傷而不知者謂民已康有絲滿箱而不得以為裳有穀滿倉而不得以為糧豈曰無獲為他人忙嗚呼蒼天吾農民之傷

往年之冬米賤麥貴富人要我以一賀二今年之夏而又反是何農民之愚而富人之智嗟乎痛哉非農民之愚雖智其

奚如

五月不雨民惟怨咨我謂之曰天之仁慈其不爾施六月不雨民不啻怨咨我謂之曰天之仁慈其終不爾施月之虧矣雨無時矣民之哀哀謂我欺矣莽其黃蕪殆靡遺矣天有耳目弗見弗聞騷騷疾風纖纖碧雲天日益高而叫呼無門如萬里之九閭

嗚呼蒼天民知罪矣不敢怨天不敢尤人用自艾矣彼怡樂日富德所致矣此劬苦日饑孽由自矣死何悔矣其敢望吾貸矣嗚呼蒼天民知罪矣豈終不吾貸矣

京師篇

己未元注京師以喻聖道徒行乞假且猶至之則富厚有力者可知矣子曰有能一日用其

力于仁矣乎我未見力不足者則知無不足可知亦力也

鬱鬱京師駕言星馳道之云迷僕夫啓之僕夫不知執途之人問之我駕既脫我餽既竭徒行乞假至岐之下至則勞矣誰為逸者

彼哲者子坐而言道山川阻脩曲折了可雖則了了我行不蚤四牡具矣餽糧聚矣逝不出戶忽其暮矣老大徒傷行何日矣嗟無及矣

遷居詩

覃系畫畦族父塚孝輯公編年詩此入戊戌

我徂於東迴龍之潭姊氏之居綠竹萬竿自吾之生於今五
遷肇居鳳現二十八年叔氏諸孤同我於南幸及五載則惟
其期諸孤復留我則於西亦越十載遘此亂離鹽海乘桴謀
山寄棲二三年中不遑寧居卒歸於楊非吾得已又越十年
實逼處此真耶夢耶流行坎止密邇先塋漸即故里白首何
求兄弟母子朝斯夕斯吾願足矣

母忌哀詞

并序

吾父生辰距母忌止三日故合祭焉確病不得與祭因東
望叩首而申之以詞

於乎吾父不死年方百矣吾母不死九十七矣揆之古初豈
可得矣百年之中閏四十矣雖賒三稔百之實矣竊擬今春
壽筵扶矣如何不佑又忌日矣有子四人確惟隻矣老病龍
鍾步若極矣雨雨風風塗路隔矣不與於祭贍自泣矣生不
能養死何及矣何況吾父歿踰卅矣悠悠蒼天恨靡極矣

昔我

昔我有疾母常視兮今我有疾母則逝兮雖有子女不如母
之心曲而細兮雖有醫藥不如母之言醇且懿兮今胡可復
恃兮空予疾之彌憊兮去秋母病而我弗能治兮子之事母

不如母之愛子無所不至兮已則不能而又恨吾母之我棄
兮嗟予罪兮不可追以駟兮悠悠蒼天曷有既兮

乾初先生詩集卷二

海寧陳確著

族兄孫敬璋編校

五言古詩一

同祝子開美游雲棲歸途有述

游子驩西湖樓船載歌舞古寺自空山徑路絕行旅吾爾稱
同志行止亦相左君自悲罔極竭躬酌恃怙日夕不得閑禮
拜空王所我來無一事飽後出林塢竟日每不歸獨往無恆
處循覽山中勝登涉窮險阻行止雖云殊同子勞與苦茲遊
非偶然身心詎無補異哉雲棲僧久已歸塵土餘教猶未衰

齋肅循先矩禮失求諸夸內省媿頑懦亂雲擁歸興西湖滿
風雨

與祝子若耶道中

秋暮一孤舟逶迤萬山裏漸引入佳勝奇絕殆難擬清溪一
萬丈百折未能止一折成一勢奔流一何駛源高逾潔鮮啜
之澹而旨徹底無纖埃華石清磊磊層巒兩岸移楓林自成
綺俯仰怡我懷一咲謂祝子人心本無欲忻歆何從起戀俗
固貪頑耽幽亦偏倚何能兩不涉還我心之體祝子謂胡然
偶爾生懽喜道機自活潑飛躍呈妙理聖人詎我欺知仁樂

山水賴子善解嘲余情未云侈何時慰卜居深山爾鄰比

告宗祠

亂世無安壤州州事播遷委肉遺餓虎狼藉安可言亂世無
善術彌逢輸金錢金錢會且盡猶然忠款煎兩策均已謬覆
轍了在前胡不早覺悟及今思改弦吾宗號盛大培植三百
年子姓日繁衍林林殆盈千禦侮故有餘所慮多疑嫌明祖
曷佑之各使舊習捐團藥數武地墳墓殷相連舍此更何之
有心空惻然國難殊足憂家禍亦可憐移孝即作忠親親空
所先願言相保障宗盟日固堅一家倘有事百家疾救援所

不同一心明神是殛殲皇天胡不惠好亂若未厭茲匪旦夕
圖良法歲可沿豈徒禦暴亂愈使族誼聯狂言聖所擇慎哉
各勉旃

悲遠涉

老母患沈疴壯兒悲遠涉生慚未獲養死恐不遑訣雙足一
遲回寸腸幾割裂書生氣太酸倉吏威烈殊家貸本虛虧衙
收倍準折一鍾報五斗百役恣千詰難得衆心歡誰悲吾力
竭邀差酒店坐囊被保家歇既怨手無錢尤憎面有鐵迂疎
不適時浩落自成子殘鎮氣蕭條豎儒稟薄劣冬游味甚惡

曉發情尤怯高岸風如刀孤蓬霜似雪園鑪擁貉寒野欺
鵲結天意故軒軒人功有巧拙安危各自取白黑復誰別歸拜
母床前細詢兒事訖莫言兒意苦未若母心切

正月廿七日號留葉四母舅

見沈氏本

新正二十後飄飄春雨恣開戶絕往來母子黯相對念七午
飯餘神昏聊倚睡推起下東樓扶母迎舅氏世亂久濶疎白
頭老姊弟相見共驚疑疑猶在夢寐老人喜長話各叙幼時
事恆聞所未聞如讀古傳記舅氏何皇皇屢起有歸志願聽
甥一言言狂勿深罪吾母年八十舅年六十四姊弟共九人

目前止存二吾母去年冬一病幾溘逝舅體幸久康羣妾尚
藉嗣娛樂貴及時營營亦奚為棋枰敲午風州蔬揚晚解終
歲未云多信宿豈淹滯且遣邇舟歸天晴更為計

尋章仁和沈東隅先

生元滄評曰此首清空如話

婦病

婦病已數年惜財不蚤治惜財為家貧烏知反非計歲久病
彌深病深須多劑況復遭世亂藥餌價十倍家無升斗粟匙
藥石米費神鬼不運輸此物奚從致念之恆失笑顛倒不由
自書生謀慮乖往往皆此類窶人計口食健婦代僕婢臥病

動經旬豈不成老累饑兒闕乳漿奉母乏中饋以此亂人心

舉足多牽制邈矣山中期何時忽鼓柷

元進時許欲爾屢
札期入山元未果

日燒一擔柴

日燒一擔柴青錢足五百日啖一觔肉青錢三百廿

音
十無置

魚蝦類千錢過一日

元進酒飲
米不在此數

富翁尚不支貧兒何計策矣

為不食生食生胡人習矣為不食素母老妻病劇更有不耐

事婦病須參汁半甌直數千索中未有一入春人事襍酬應

苦不及倉保到家來偃坐煩嘖嘖上司朋銀增衙官常例益

漕米截頭多欲兌兌元未尋圖差到家來條銀如火急卑詞囑

轉限搖首面發赤南糧解戶來徵糧及折色有米嫌不收無
銀慢相責門庭無雜賓老盤春絡繹兼此數等人來往紛如
織強顏日相對囊空言語澁風雨春瀟瀟婦子晚唧唧回頭
語病妻吾亦非金石金石會消磨勿復苦相逼

聞君將買妾

（元進）寄祝夢得可祝謹錫文字夢得邑庠生順治戊子副榜眉老公之仲兄

聞君將買妾毋過求精細精細必嬌癡嬌癡大娘忌精細多
怯弱怯弱鮮孕字莫若田家子貌質任粗礪粗礪寵不深日
常少淘氣粗礪天賦厚生育必長遂此言人莫信其理甚淺
易邨女見聞樸習勞寡情思氣血無虧傷根牢子罕隆黃之

省黃金貨低價不貴所以達觀人恆收衆所棄

諸同人赴黃山道士之招分韻

韓養元公嘗
為作傳見文集

周祠韓道士春深酒滿床願言傾百壺澆我新愁腸老衲太
簡易諸儒何慨慷招之蔑不至十五森成行狂雨莫為阻淋
漓乘小航古廟當高空乍霽呈羣芳牕羅江南山歷歷清且
揚遠帆千里動指示爭微茫微茫奚足爭良有雲霓望世事
日悠悠人情徒遑遑把盞勸諸公但飲弗過傷一盞懷抱寬
二盞神氣強連引十數盞浩浩追羲皇山蔬襍亂進飽甚難
徧嘗不審盤中味但覺浮殊香坐客興已盡主人情彌長謂

君莫輕去勝會詎能常百年會幾何可惜春容光斯言良有
以為子再舉觴山房貧不俗逸事參差將棋枰欺我醉翰墨
趁我狂分韻各賦詩危言驚客蒼秋之勿重陳腐耳憂垣墻

董甥典瑞以前髮作數日悲簡慰之

董謹世琮字典瑞
号八公郡庠生

守身昔稱孝儒者良所志世亂相驅迫悲哉忽捐棄珍重千
古心捐棄須臾事捐棄奚足悲區區事已逝一毛亦前定具
失非所意吾體雖倖全栗栗胡敢恃君子憂其大方寸難區
置時時懼有失數豈豈為累勉之勤進修古賢空可至完虧

在厥性具形未云貴

右見沈氏本

遇盜

編年詩入丙戌

病困適偃臥乃為奴輩及暑月愁赤身寒家媿徒壁重煩相

枉顧空爾施薄責痛拳錯亂投襪以九鐵尺

軍運視藏痕知之

左股

受一創流血滿階石竟夜被繫拘押搜及纖悉一瓶女之珥

二篋叔所擇

軍運令升仲升兩叔各寄一箱疑皆欺細

殷勤相付託忍死爭空力

硜硜各指與無乃太柔直失物奚足悲傷膚良可惜孟云必

自辱撿點平生失造物豈無意妻女勿遶泣但看西鄰兒哀

哀吟楚澤

本注楊連城次子畏盜溺死

吾生

編年

吾生實不辰賃屋臨官衢前臨道人塘後迫袁花河始覺往
來便誰知集多虞昨宵盜行叔今朝吏怒呼盜惟叔所有吏
將叔所無叔無傷吾心叔有傷我膚以斯益怨吏殘酷盜不
如

許生欲爾自越歸過訪老病

何志文元傳許全可字欲爾今與孫從陳確學

蕭蕭遠遊子初歸逢盜叔晚從石渠生

本注同張石渠過

廿里訪老

劣衣冠各不全身外靡有孑

本注余與欲爾皆被盜衣履盡去

蒼顏帶海風

微喘話庭月啾啾不肯休俱是千秋業余病幸不死書空日
咄咄于游不遂意窮困尚存舌行矣各努力乾坤亂未歇

閩蔡上生家亦被盜簡寄一首 編年

子家無僭石蔡子貧更劇何當兩貧士先後並遭賊蔡子住

角里里隔二十七

（本選）船人云自角里山至袁花一
九袁花至泥橋二九凡二十七里

生當亂離時

半載无消息頃者七月初見我夢弼姪

（家譜）青永子穢世字
夢弼号鼓濤邑庠生

云曾晤吾子蕭蕭慘形色四體艱尺布五口无半粒惟餘氣

稜稜倔強猶夙昔嗟予復臥病奄奄无起日子躬益自勵抗

論爭遠識以此塊弗如磨涅別堅白念昔予三人泥塗汨其

一我爾雖兢兢豈云動无失慎勿自矜高輕生非正術遜世

聖所難敬哉朝夕惕

避亂之武原

浙江通志海鹽縣古武原鄉
見沈氏事

久病餘微喘迢遙事遠避武原六十里三日始尋至中途遇
烈風船艣莽失勢飄蕩觸頽岸四口命如寄借宿誰家邨蒼
茫无畔際云是樵園墟羣盜垂眈眈妻孥膽氣弱兩夜不成
寐搖屋風雨聲逼户陰寒氣本緣養病來病體益困憊本緣
避盜來盜賊此復一本作賊熾熾熾天壤間何從乞片地明發風

日和僕夫欣鼓枻相將入市城民物猶安泰生平惡市囂幡

然成幽契

東隅子評曰投足無
地亂離光景宛然

新政
編年 又見沈氏本

新政多矜全獲盜不忍殺紛紛悉遣歸盜心彌踴躍官司且
爾省誰敢議翦拔為盜无後舊為良苦窮約驅良盡為盜十
人已七八盜賊一何多乾坤一何狹士生此時世无地可容
脚咎繇古聖人帝父亦致法天寧鮮仁慈明德必慎罰止殺
誠云難尼父言豈謔善人俟百年今者奚所挾妄冀一感悟
祇以長奸猾如此稱仁慈不若恣殘虐

東隅子評
曰透快

丁亥正月二十日雪

冬雪滋秋禾春雪傷夏麥冬雪祈不至春雪動盈尺人事故
錯亂天道亦外逆羣盜日富厚讎賞娛春夕天罰豈專加所

加此窮赤四體无完衣顏檐苦奔迫羣生甫萌芽造物遽相
厄摧殘何足云百卉无顏色惟有庭前梅神采倍恆昔却醞
聊一呼隤然披往籍

朝入城東門

朝入城東門莫出城東門鹿鹿竟終日穢襦何足論胡馬塞
街巷胡兵滿城闔區區百夫長氣執何魏尊絲竹出屏後劍
戟森前陳咄嗟理民事片言生死分儒冠黯无色拙口聊解
紛古人耻降志覲顏為所親急歸手一編風雪牕紛紛乾坤
方翻覆慎勿輕其身

問予居牡丹

春寒十日雨名花久含蕊含蕊如有情徘徊待吾至久待香
氤氲乍開色美丽主人太殷勤經營甚勞瘁惜花施廣幔護
根拓舊砌花亦解君心一開三百佩繡毬真素交木筆稱小
婢相與媚春杯積然成薄醉對之不忍別丁寧有淡意勿便
十分開極盛難為繼

張石渠山居 編年

張子久避世三月不出門陳子遠過之晴風吹山園春晴不
易違故交无幾存相見誰能驩曉曉致多言多言何足益世

事如波翻青棋仰可數揮杖落其繁傳口一咀之舌齒開河
源老僕謹於童穉子驕如孫縱遊前後山長日歸黃昏有肉
大盈俎有酒大盈樽貧士安尋此區區為老髡停盃莫能飲
兩手搔蓬根

硤晤 編年

張子負清鑒落落交遊寡殷勤介陳子風塵觀二雅火傳真

奇才

卓

道耕自隱者

車注田二子

皆初識面

聖月三年別

徐

詩卷浩盈

把伊璜千里歸

查

史論新而野乾坤日擾亂蹤跡疎白社一

朝六子高論硤山下晴檐飄暝風新茗向人寫勝會良難

期豈非天所假提筆為記清風照區夏

州志文苑傳查繼佐字伊璜自号東山釣

史宗正癸酉舉人授職方主事

為舊字有贈 編年

昔我字非予今予易乾初其德為潛龍於名取確乎命予有
淡意願言致區區吾愆賴子蓋吾美賴子扶願子深入山願
子多讀書大道貴闇然願子若虛無勿皎皎而察寧汶汶而
愚立德敬為本安俗恕為樞人壽周甲子羸縮安可虞吾已
四十四子年寧我逾歲月去不返老大良足吁前此真憤憤
子今其慎諸

管鮑吟

本廷奇宗父始升時某有所酬而再三見拒且以管鮑為言故以命篇編年。家傳之閨字

始升号容菴拔貢生以子元龍貴累贈光祿大夫文淵閣大學士無禮部尚書

管子真貪愚鮑叔一何厚種種足銘骨又乃脫堂阜不能以
君王霸圖良可醜殷勤負故人何以竝不朽矧予至駕下尤
非仲之偶鮑落東海隅秋風噉八口惟叔知我貧所輸固弗
受不賈而分財毋乃古未有羞慚仰青昊狂歌托莊岳

悼亡詩

葬案年譜順治七年庚寅先生年四十七三月三日碩人王氏卒年五十一是詩六月十八日

作。編年
入己丑誤

生為竈下婦无異羈與囚况復夫壻拙常無卒歲謀二十為

君妻終朝事蠶織蠶織不尋休恆以夜繼日貧家无燈火暗
中聲唧唧兒女遶床啼織娘曾不聞織娘豈不聞一身焉可
分夫子事遨遊終日嘯儔侶安知竈下娘俛仰大辛苦淒風
斷晚煙吞聲向誰語中年更嫁娶纖悉君未知不稼而不獵
夫豈神所為長者痛昏嫁幼者尚孩抱生總未尋安不若死
更好五十莫怨促怨促君何愚思我五十中曾獲一日娛晝
夜勤織作不尋間須臾雖則五十年而有百歲劬君乎可我
捨辛苦付後人為我語後人嫁作貧士婦安能辭苦辛

本
皆
吾

頃病中語也退而

誌之以當慟哭

九日 編年

吾病豈无罪繁憂傷老母白頭衝雨至庚寅歲重九勸慰悉
萬端朝夕默伺守子女恆逸去其來疾已偶舉止復痛疎高
言驚病叟母以手止之肅氣若無有八十四歲人靜細不一
苟他年母夫病吾能如是否子心若母心孝名當不朽

病起 編年

子房本善病辟穀非尋已世俗無眼孔繆云學不灰吾病灰
不食彌月猶果然所恨病忽已紛紛嗜欲牽貧家无僭石不
食良亦便多食遂多營始知病是仙

有客 編年

有客叩我床不語淡悼惜謂我胡為此容顏大羸瘠惘惘昧
世事久坐話前席欲別不忍別送子田上陌冷風變節候使
我心意惻時物大隨人種種異疇昔病時苗甫胎病起禾盡
碩蕭條歲將暮衰積髮欲白行矣各自愛日月真駒隙

詩成

蕭條秋夜長不寐良可痛殷勤託醇酒功力非不重昏昏即
偃臥如何忽轉動自此遂惺然目耳兩清洞瘡疥聊足遣見本
作神氣心意渺難控因之寄新咏超超蔑沈宋詩成大猴寫

寫出小猴誦

冠廷翼兒壬申生木
兕甲申生常以呼之

小猴聲口清大猴書法縱

謂足張吾軍安知祇覆甕吾意薄文辭彫蟲何所用年來欲

焚筆適日姑一弄驕矜不知省

冠本作未
審作何語

元乃即是夢

哭許元忠給諫

編年州志隱逸傳許令瑜字元忠宗正
癸未進士任仙遊令鼎革時棄官遁歸

隱居翠薄山不與人世通問

舊德日淪喪薄俗安依恃況予貧寡昧猶望他山砥君交滿

天下臭味踰蘭芷一時誦高諡管鮑焉足比時移道乃渝杜

門絕綦履於我愚兄弟獨不間終始落落數十年淡若秋澗

水道理有往復形骸无我爾頃君歸翠薄吾寄櫟山趾兩家

映燈火熒熒松檜裏尊酒香入樓絨詩燦如綺詩成膾我口
酒熟熱吾耳旦夕驩相呼年來稱密邇一別返泥橋迢迢廿
餘里邛居隔人俗風雨斷音音君病吾不知君歿詎所揣元
由視含殮寧不負知己嗟君不尋意宦游值衰否牢落還舊
山壯心凋髮齒懷主若三閭強學窮百史治家日嗃嗃憂時
或過杞人命非金石安得長不死君歿事已畢艱大遺而子
大享志弘遠嘒嘒千載士勉之近人情聖學戒自是夙夜念
所生哀毀无失禮予夫患沈疴兩月未能起匍匐哭故人積
雨為吾止遂爾隔幽明念此何窮已

守雨洄塘與張方空對奕

編年四志轉塘亦稱洄塘在州東北七里

豎儒迫歲暮盡室苦寒飢何當沮洄塘連日不見歸昏雨淹
晨夕忽忽情四支開書不能觀磕睡相與催張子夫此客切
切喜園基泥我作晚課一局酒百卮勝負同一醉何心爭雄
雌白日聊已過憂思徒爾為

獨立

編年入辛卯

獨立天壤間倏仰不自怡大化生吾人付託何能欺富貴我
不欲貧賤非苟為高者訾貧夫逐臭无已時烏知雲泉子白
日恣游嬉志士惜分陰克己真良規孟老學尼聖韓子崇三

師元本此下有云性命必有屬世論安可隨各有萬古心浮論安可移金石未足
堅典詰空文辭目前賢與愚碌碌誰妍蚩

種秫編年

種秫墻南田鋤桑屋後園赤日中天高清謳起遙原膚骨豈
不瘁恆恐過優閒聖祖屬酒禁拈王戎原蠶微意各有屬萌
氓敢勿虔吾老不知貧親賓元與歡相為力此畝寒樞資微
酣

其二

種秫墻南田鋤桑屋後園秫邊樹茄芋桑下植葵萱非能盡

地力聊以慰清饒
油雲沛時雨
天澤誠何偏
水田固溢溢
旱田大瀰漫
百物欣向榮
鄙夫復奚言
溽暑稀過從
朋儔阻遠山
稚子自頑劣
書史尤紛繁
塊然誰與娛
浩歌出頽垣

大道 編年

大道本公坦
學者事易趨
豈不或曰智
愚智誰能區
如彼商與賈
啞啞笑田夫
自詡不耕穫
勤動良可吁
老農餓且死
莫肯棄犁鋤
四民各有業
安能終改圖
卓哉老農語
敬拜此良謨
自茲謝時輩
爾智吾寧愚

米至

元龜八月十四日

夙昔昧生事垂老九疎迂往年更喪嬖杼軸常空虛如瞽之

无相俟乎即閭途今年七八月子女嗷邛墟故人念我貧往

往致釜庾英子遺黃梁

查英來

金粟美不殊韻叟惠白粲

韻叟山人

董昭

光耀若明珠最後荷近叔

近思

甌石遠載輸前後適相接

若宮中取諸奚以少濡滯赫怒責僕夫口腹真累人徒然話

詩書兒子坐小樓檐隙當林疎豈云專心學未至先賒如急

下報乃翁顏色何慰愉乃翁轉輓感申之以長吁

子彼此誰賢愚萬竈絕秋烟天地慘不舒我何德可堪一飽

臥遽遽況乃冤僕人夏楚毒其膚緬懷天壤間搔首以踟躕

咄哉世之蠢僇然此腐儒

兩志名臣傳查繼甲字英來任隆安令。董昭遠見韻經老人傳

過老友張石渠

壬辰

春風吹小棹薄暮硤山趾物外訪貧交花前見二子朗然玉
映人其仲尤粹美七歲能言易疊疊出新百終夜坐叩之若
決江河水天才不虛生喪亂今方始河清當可俟笑盡杯中
蟻

道近柯橋有述

官河迫滂泱前後失民居重雲蔽晚山白日无光輝人事鮮
測度迂儒闇時機把卷正高吟倏忽遭攢管手書為朱殷淋

滴染素衣矐眼昧所以分解无良辭旅囊本虛匱搜掠徒爾
為僕夫未聞道怨詈无已時孟云必自侮斯言豈我欺夙昔
荷師訓恩與生我齊墓艸已幾宿匍匐始來斯倫誼既有關
譴責誠空施况暴夫天縱默默若使之吾體矧久虧毀辱寧
今茲

懷徐子孝先

并序
和今

王碑今世記徐介亭孝先浙江仁

張子尹來為余言孝先之為人久矣欲一見之以徵尹來
之言而卒不可得作懷徐子一篇寄之使孝先知余固已
信尹來之不吾欺也雖然尹來夫或言余於孝先吾又何

以使尹來之言之終不欺人矣乎

大雅不復作禮教久沈淪冠衣而禽獸安之若重茵迂士疾
聲呼籲俗了弗聞弗聞故其空吾學慙本身德薄而言輕奚
以責夫人天壤有徐子名行一何芬高文壑曹魏篤孝追姬
文頃持繼母喪廩廩式先民跣治北山塋兩踵紛癢痕食寢
无一違嚴操久彌敦孔周既以沒典禮復誰遵一朝克舉之
千載稱功臣兄弟竝才妙閉門窮典墳採薇而行歌西山樂
天倫張子屢為言使吾勞寢魂每欲從之游百里隔埃塵頃
自山陰歸臨涼訪湖濱仙蹤邈難違暮山封碧雲六字固云

廣高隱何紛紛馳驚日不足盛名恐非真誰能若徐子幽棲
真避秦漁父倘可言桃花源更問津

生日 編年入癸巳

蹢躅陳氏子冥冥元聞知悠悠五十年歷歷呈百非聖道若
大路愚智公驅馳我獨何人斯旁皇泣路岐歲月日以邁氣
力日以衰駕駘元息駕猶懼不及追而況過優游老或竟美
禔至理元猶迹古帝云惟微昨非僅云悟今是恐仍非

題徐律之園居 編年

野園習未厭好鳥鳴相嚶于茲身少閒皜然无塵櫻初冬林

色靜落落遺園橙斗酒霜後熟尺魚寒可曾還呼家仲氏觴
咏陶吾情天風吹笑語璆然出池亭我欲從之游河水漣且
清

哭殤 編年入甲午元廷六月廿三日作

吾年五十一神志日以衰方春舉一孫私心亦所愉長夏无
一事臥起嘗抱持白鬚四五莖長者尺有餘舉手掠其一嘗
恐復繼之入山甫踰旬胡遽棄我為吾母八十八曾孫十四
枚博愛乃其性聞此心如摧天地為我晦風雨為我哀南山
拔脩竹盡是新生枝人謀固未臧時變一何奇衰蹇无

子本作何

足道奚以慰

元本
作悞慈闈

良夜

編年
在任中元夕作

良夜息羣籟月明來遲遲山居无伴侶獨行出亭池松林如
有人肅肅蒼而頽與我无相猜形影胡紛披微風起林末寥
寥遞鳴嘶我亦流清咏悠然相堦處愛此風月佳白石坐移
時我欲邀之歸開卷就檐墀清風果我逐明月果我隨風月
如有情山人復何之

吾道

吾道若衣飲斯夕誰能遺而恐悠悠者恆忘終食違年來迫

衰病不復任策驅勉循同輩意結社南山陲常懼弗克終喋
喋規吾徒秋風掃炎跡秋月澄寒輝薄言裹饌糧來此尋幽
棲吟咏有餘適夙夜忘其疲獨慙山中叟抱新檐下炊寥寥
吾黨士優游各懷居孤此好風月莫克相追隨嗟彼求名子
羣聚日孜孜朝夕各有業良不負居諸咄哉窮禪客什伯參
名師飭粥或不繼忍死未嘗離吾道誠云衰屢盟徒爾為古
稱德不孤反己長歎吁

乙未四月翠薄山中呈桐鄉張考夫

謝氏宗譜元忠公
令瑜築別業于黃

山之陰名曰穀園淮陽公兩垞記中稱從弟元忠翠薄
山房即此公自辛酉鄉薦後因二親違養始卜築攜家

讀書于此全可有記
嘉興府志張履祥字考夫桐鄉縣學生父九芝夢金仁山來謁生祥故名履祥少孤母沈善教之稍長即勵志聖賢之學乃曰斯道門庭戶牖其在是矣遂致力勿輟後與兄履積素諸生隱居教授遠近興起者甚衆學者稱楊園先生

吾生迫喪亂百里隔朋儔終歲罕一晤忽忽懷千秋仁友不
我遐惠然溯春流豈不念室家迄夏猶淹留淹留良有以古
學恣探搜未暇尋顏樂切切抱孟憂大舜伊何人反己无時
休曰不可為人讀之迴生愁況予末小子俯仰叢百九白髮
已種種而敢復優游願言從吾友懇款乞良謀卓哉顏孟志
歷歷空可求毋忘吳子言白日晝悠悠

東坡先生遺書謂勿以飲食語坐虛此

會也

中秋

皎皎中秋月閉門不敢賞
輓轡終夜聲斷續流哀響
獨寢不成寐攬衣觀列象
畢行背九道遐哉不吾枉
久旱自長夏鴈鴈迄秋爽
長空絕纖翳萬里嘆河廣
負海千頃田塊然成稿壤
終歲已望絕八口竟奚養
蠲貸非所願居高亦惘惘
至仁莫如天屏營以瞻仰

櫬成偶占時年五十有二

編年

人壽罕踰歷

元年作公壽鮮百歲

五十亦苟延矧予稱蚤衰昏瞶絕

和作

良可憐所志无一就徒但作有平生愆不能搏萬里終當錮
九泉奚為不自計忽忽恣柔宰一檻焉足慮戢身良自便子
孫寡賢達歿後祇紛然及我蚤為之冥心任穹天美惡非所
論草艸聊備員百年同朽腐愚者妄求全安能樹六檟遙遙
待遐年

東里謠 并序 編年

乙未九月二十五日朱子輟斯過余為述龍山近事確喟
然長太息曰是余之罪也夫作東里二章以寫予恨深知
哀怨之音有乖中和之教而不平之鳴何能已已隣母陳

子自謂也其二章亦欲使吾友分過於地下也嗟乎夫豈
吾友之過哉

東里有慈母莫不稱賢智生女不欲嫁十年終未字不嫁豈
良圖此世无丈夫臨戎戒其女慎勿工織組鄰母實聞之切
切時致詞不嫁任子意不織子奚事織成嫁人衣嫁人終不
歸不歸猶自可失嫁无光輝

卅年句元本作
頭目吃媒氏

其二

積雨無乾土疾風無靜林物稟固不齊誰能持一心有錢但
買飲切莫遺子孫何用虛吾腹終以飽他人信矣夫子言有

生貴速貧

病吟 并序

確自以簡事節食調切心情雖非幾道之方庶為却病之術自庚寅秋傷寒後五六年來遂稱小康不意今年十月

初五六小腹下起一瘡纔如粟子

冬本作粟子誤

固心疑之亦不

甚以為意无何至初八九遂大困伏枕不能起連熱八日

夜食飲不一進雖依方治之其勢漸解而疲困已甚矣方

論云病鼻之膏粱又云七情火鬱亦云心火流入腎經此

三言者皆不足以伏陳子之心已而曰惟其不伏所以致

疽因著于篇以誌後過云爾

守身洵爲孝戒懼勤須臾賢者志其大詎爲此賤軀陳子昧
形上愛茲尺寸膚口腹不敢縱四體弗使劬自以全吾天何
知患不虞不虞豈通言方論良非誣積愆自弗省而乃訾成
書有疾固足懼元疾未足愉借問五六年碌碌奚所圖吾懷
百世憂安能忽所須

芽穀餅歌

并序

余自童子聞芽穀作餅甚甘所謂芽穀者四月間下種時
餘穀也故絕難得之今自十月初田禾方刈而靡日不雨

穀燦然无弗芽者眞童子之秋也奈何哉先是六月至七八九月絕無雨民勞既甚旱州所生穀亦罕而雨復敗之蓋糜爛未收而倉吏已在門矣陳子慨焉作歌其辭曰

久旱積往恨一雨成新悲穀爛不可飯薪爛不可炊未遑計終歲惟慚負公私聊將擣作餅脫甑譁童兒童兒不知愁持餅隴上嬉嘖嘖謂其父新餅甘如飴父饑莫能啖腰間裏數枚當隨倉吏去嚴城從繫維

天地

天地既已久寒暑屢違迂

元本作
回互

誰能久不敝遐哉憶財輔

子輿稱性善伯安合知行卓哉二子言吾道之干城後學昧斯旨翻與荀告併紛紛臯氣質兼以誣才情茲言果攸當咄

跼何過青蒲團見空悟流毒良不輕書云知匪難先行乃聖
經諸儒欲後之長夜何繇明力行且靜坐迂言悞後生嘆吾
亦徒云皓首慙邁征

春賞咏 并序 編年

戊戌春三月有六日癸卯確至舊居候家仲氏值庭西牡

丹初放

〔見注〕從弟君章移樽過賞

低回留之不能去明日過許欲爾懷

新堂

〔附志〕文苑傳許全可字欲爾令典孫許譚翠薄山房與懷新堂隔溪而處

則臺上紫牡丹

已大放矣會石丈大辛輦

〔附志〕隱逸傳查嗣瑛字肇五号石丈博學敦行師事劉戴山許

翕字大辛令瑜邑諸生

已先在花下劇談賞之明日同之澈城吊兩

吳夫人之喪同人先歸余留一宿而返十之日由董山復

過欲爾欲爾適在山齋余徑造花下移時而去欲爾追留

不及遂偕過祝二陶之葆光居

魏氏家譜葆光居為評事士爽公所構考廉開美公

殉節處在濟美堂西偏居前牡丹數十本歷三百餘年至今猶盛

葆光居牡丹甲天下前

邑令李公彬文

州志李純質字彬文鄭州人進士順治四年任

過見甚奇之謂吾

洛中亦絕無此也高踰丈濶倍之花二百餘不疎不密圓

整翹秀爛若秋山實天縱之者而主人亦自誇

元本培護作疎

之勞真一大觀也明晨遂與子霖訂十二日之會是日余

以約定暫歸復過家仲氏則庭花加燦適從弟君章

家傳之建

子綬永字君章
号彙征邑庠生移樽來賞遂同席明晨率枚姪禾兒赴葆

光之約坐花下者二十人無一人背花者欲爾即於坐上
期諸子曰次日偕過山中元遺一人是夕余父子同宿花
下明晨往訪祝士采於龍山其堂後紮牡丹夫佳但不樓
耳晚赴欲爾之約顧葆光之客尚多遺者欲爾點諸小學
子補之小子六人另置一席於石案上興倍諸長者其最
小者始六歲氣益豪上言笑飲啖皆翫若無人率左手執
盃右手執箸兩無停待意所欲取不辭攘臂諸兄並舉其
紛奪藉藉有詞庭花為之生氣明日附欲爾入邑之舟以

歸望日壬子又同欲爾過仲氏花尚無恙欲爾去而余留
是日吾母姊亦來候仲氏同在花下薄醉而歸蓋連日晴
而不熱陰以輕雲潤以微雨故花久不敗也頻歲多事每
祝許兩齋花時皆員約不赴今年皆再三過之衰年若此
舉可多曷乎以是不能忘之於心故系之以詩

花事十日好同人十日閒春山十日晴微雨亦時然春晴使
花香微雨使花妍傳雲如廣幔繁花如小山造物固私之人
工亦可言觀者驚奇詭主人惜本根灌溉豈辭勞前人手澤
存南山許生宅庭花亦云繁吾家有一本歷落略可觀欣賞

不厭頻十日興未闌往來詎非疲聊以開衰顏

哭董紫胃敷部

編年

董子天下士杖策隨寒潮一朝歿所事十載埋深蒿彼都久尸祝吾鄙徒神搖音問每回感人言總訛消

本逢去冬猶枯訛紫胃未歿

骨忽歸山清淚如湧濤痛爾雙高堂白首仰天號痛爾仲文弱孤篴不成調痛爾貧士妻巧炊亦徒勞痛爾兩孱孤幼者今垂髫長君甫弱冠收骨萬里遙痛爾白頭爰偷生殘膚毛魂歸豈无知何以解愁年吳子歿聖室董子歿天曹忠孝各有合庶幾酬久要惟余負平生狂言驚朋僚哭子豈徒然知

我今寥寥

至道篇

至道匪言傳傳者皆糠粃虞廷十六字萬古誰能窺所以堯
舜病沒身不能盤理家事冥封元乃隨禪癡慨焉任絕學千
秋將誰欺吾疑遽大夫五十忽知非昨非必今是今是安足
為奚如周文王望道未見之默識我何有尼山豈飾詞喟然
嘆高堅顏氏其庶幾

康孫

編年入辛巳

康孫雖七歲踰帶不百日性既同孫頑學亦並捷疾人云酷

似舅斯言良可憐乃舅竟何成文籍總虛僻尚其希顏孟起

超邁前跡

是籍編年
作文籍

詠古

編年

唐世庸四凶有虞盡誅之堯仁固難循舜斷豈易為所殺或
非臯後悔何能追

其二

編年

朱均匪不肖聖父或求全當時遂見九千載誰能賢俗情多
愛溺乃以嬖為妍子惡人莫知斯語極可憐聖愚正相反尼
父良大然伯魚豈非才當知絕顏淵未易追逸足詩禮亦有

傳包蒙洵為吉姬繇夙所研撻禽非獲已優游以窮年

其三

周王生百男壽考竝无疆尼父止一子蚤年更歿亡盛衰各有時安能置中腸當時危一線百世繁烝嘗赫赫三五後還誰媲素王

其四

秦皇燔詩書口語臯諸生按誅四百餘千載痛煩刑何知今人愚嘆息稱其平聖主量衡石俗儒坐談經誰能分主憂濟濟俾王寧六國甫振旅五嶺更懸兵渭南作阿房洮西起長

城繇賦非獲已豪釐安取盈處士況橫議儔類更相傾非斯
乃其魁徒與猶縱橫聖世殲羣醜按籍可盡阮何以晏不歿
白首留漢廷

其五

堯湯憂水旱孔顏悲絕糧孤竹二賢肩老餓西山陽天心非
不仁聖德非不臧上哲苟未免下愚庸何傷白首安時命消
搖以相羊

十月五日登龍山作

編年歲時臨安志龍尾山在縣東
六十里袁花鎮上有小山

入冬楓葉稀薄暮游興促扶筇試一登循覽意已足年來多

衰病塵鞅大時枯春花與秋樹罕能一寓目昨日迫家累倉
皇走鄉曲所謀未獲遂邛園看殘菊雖未窺全盛繁英猶炳
郁今來訪舊游忽見滿山竹欣然遂欲留忍飢展書讀更欲
窺山巔連天結茅屋終朝此坐嘯煙海忘遐矚

甲乙歌

并序 編序

浮生若夢夢大須佳更於夢中自生煩惱吾甚耻之詩言
樂飢實獲我心飢固无辭樂惡可已歌以見志庶幾忘食
忘憂不知老至之癡況云耳

甲以真為夢乙以夢為真二者孰是非要之皆解人真固祈

安吉夢大獸怒嗔惟願兩元礮栩栩忘其身西山夢採薇桃
源夢辟秦竝是極樂國華胥吾比鄰